



Покистоннинг “Muslim Commercial Bank”и (МСВ) куни кеча мамлакатнинг бешта Исломий банкдан бири бўлган “Бурж”ни сотиб олиш ниятида эканини маълум килди.

Номланишида “Мусулмон” сўзи бўлгани билан, аслида Исломий банк бўлиб хисобланмайдиган энг даромадли ушбу Покистон банки, агар Марказий Банк ва ўзга тегишли органлар маъкуллайдиган бўлса, Burj Bankнинг 55 фоиз акцияларини сотиб олади. Ушбу мақсадлари хақидаги маълумотномани банк Карачи шаҳар Биржа фонди (KSE)га йўллади.

«“Muslim Commercial” банки Burj банкининг хал килувчи овозга эга бўлган акционерлари билан, МСВ томонидан банкнинг муомаладаги ва янги чиқариладиган акцияларига маблағ ажратилиши, ҳамда Исломи ривожланиш банкининг (IDB) инвестициялаш шўъбаси бўлмиш хусусий тармокни ривожлантириш Исломи корпорацияси томонидан кўшимча инвестициялар жалб килиш юзасидан келишувга эришилди», - дейилади банк матбуот хабарномасида.

Кайд этиб ўтиш жоизки, аввалроқ МСВ 10 млрд. рупий хажмдаги таъминланган сармоёга эга бўлган Исломи банки «шаҳобча»сини очиш режаси борлигини маълум килган эди.

Мўлжалга биноан, МСВ томонидан инвестиция киритилиши Burj Bankнинг сармоёсини Покистон Марказий банки томонидан кўйилган талабларга мувофиқлаштиришни таъминлашга ёрдам беради.

Таъкидлаш жоизки, бўлимлари сони энг оз бўлган Покистон Ислон Burj Bank ўтган йилнинг илк 9 оий мобайнида 642,2 млн. рупий зарар кўрган; ундан аввалги худди шунча давр мобайнида эса кўрилган зарар 22,45 млн. рупийни ташкил этган эди.

Burj Bankнинг операцион чикимлари юкорида келтирилган вакт мобайнида бир бўлимга хисоб-китоб килинганда 24,7 млн. рупий – Покистон Ислон банклари орасида энг юкори миқдорни ташкил этди. Солиштириш учун, худди шундай кўрсаткич МСВда 11 млн. рупий.

“Global Securities” тахлилчиси Умайр Носирнинг сўзларига караганда, Burj Bank якин кунларда МСВга сотилиши кўзда тутилаётган янги акциялар чикаради.

Таъкидлаб ўтиш лозимки, Burj Bankнинг асосий акционери бўлмиш Бахрайнинг “Ал-Хайр” (Al-Khair) банки Burj Bankнинг 36,9 фоиз акцияларига эгалик килади; шунингдек, банкнинг 33 фоиз акциялари “хусусий тармокни ривожлантириш Ислон корпорацияси”га тегишли.